



KETUA PENGARAH PERKHIDMATAN AWAM
DIRECTOR-GENERAL OF PUBLIC SERVICE
Jabatan Perkhidmatan Awam Malaysia
Public Service Department, Malaysia
Aras 13, Blok C1, Kompleks C
Pusat Pentadbiran Kerajaan Persekutuan
62510 W.P. PUTRAJAYA
MALAYSIA

Tel: 603-88853001
Faks (Fax): 603-88892187
Laman Web (Web): www.jpa.gov.my

JPA.112/3/3 - Klt.10 (38)

20 April 2020

Semua Ketua Setiausaha Kementerian
Semua Ketua Jabatan Persekutuan
Semua YB Setiausaha Kerajaan Negeri
Semua Ketua Pengurusan Pihak Berkuasa Berkanun
Semua Ketua Pengurusan Pihak Berkuasa Tempatan

YBhg. Tan Sri/ Datuk Seri/ Dato' Seri/ Datuk/ Dato'/ Tuan/ Puan,

PELAKSANAAN MESYUARAT MAJLIS BERSAMA JABATAN DALAM TEMPOH PERINTAH KAWALAN PERGERAKAN DAN PENULARAN WABAK COVID-19

Dengan hormatnya saya merujuk perkara di atas.

2. Seperti YBhg. Tan Sri/ Datuk Seri/ Dato' Seri/ Datuk/ Dato'/ Tuan/ Puan sedia maklum, Kerajaan melalui Pekeliling Perkhidmatan Bilangan 2 Tahun 1992 dan Surat Pekeliling Perkhidmatan Bil. 3 Tahun 2002 telah menetapkan supaya kementerian/jabatan/ agensi yang telah menuju Majlis Bersama Jabatan (MBJ) perlu melaksanakan mesyuarat sebanyak sekali dalam tempoh tiga bulan, iaitu empat kali setahun.

3. Walau bagaimanapun, dalam tempoh Perintah Kawalan Pergerakan (PKP) untuk mengawal penularan wabak COVID-19 ini, terdapat kewajaran untuk ketetapan tempoh mesyuarat MBJ dan kaedah pelaksanaannya disemak dan disesuaikan mengikut kaedah terbaik bagi mengekalkan fungsi dan keberkesanan MBJ di kementerian/ jabatan/ agensi.



4. Bagi tujuan tersebut, pelaksanaan mesyuarat MBJ bagi tahun 2020 oleh kementerian/ jabatan/ agensi dalam tempoh PKP dan penularan wabak COVID-19 perlu dilaksanakan seperti ketetapan berikut:

(a) bilangan kekerapan mesyuarat

- (i) bilangan mesyuarat MBJ pada tahun 2020 dikurangkan kepada **tiga (3) mesyuarat sahaja**. Ini kerana dalam keadaan PKP yang tidak menentu, aspek kebolehlaksanaan mesyuarat perlu diberi keutamaan mengatasi aspek pematuhan sasaran.
- (ii) bilangan kekerapan mesyuarat MBJ pada tahun 2021 dan seterusnya akan menurut peraturan yang berkuat kuasa atau akan ditentukan semula berdasarkan keadaan semasa pada tahun tersebut.

(b) tempoh pelaksanaan

- (i) mengambil kira bilangan mesyuarat yang dikurangkan kepada tiga (3) mesyuarat sahaja, tempoh pelaksanaan mesyuarat MBJ bagi tahun 2020 diubah seperti **Jadual 1** berikut:

Jadual 1: Tempoh Pelaksanaan Mesyuarat MBJ Tahun 2020

Mesyuarat MBJ Tahun 2020	Tempoh Pelaksanaan
Mesyuarat Bil. 1	Januari - Jun
Mesyuarat Bil. 2	Julai - September
Mesyuarat Bil. 3	Oktober - Disember

(c) kaedah mesyuarat

- (i) mesyuarat dengan cara bersemuka secara fizikal perlu dielakkan dan diubahsuai kepada **mesyuarat secara dalam talian** menggunakan teknologi ICT (seperti *Skype for Business*, *video*

call dan lain-lain); atau **melaksanakan mesyuarat secara edaran.**


- (ii) kaedah ini adalah terpakai sehingga kerajaan mengumumkan negara bebas Covid 19 dan menarik balik langkah-langkah penularan wabak.

5. Segala kerjasama daripada YBhg. Tan Sri/ Datuk Seri/ Dato' Seri/ Datuk/ Dato'/ Tuan/ Puan dalam memastikan arahan ini dipatuhi sepenuhnya amatlah dihargai.

Sekian, terima kasih.

"BERKHIDMAT UNTUK NEGARA"

Saya yang menjalankan amanah,



(DATUK MOHD KHAIRUL ADIB BIN ABD RAHMAN)